

ALUMNONAN A PROTESTA FORMALMENTE NA PIETERBOER SCHOOL

ORANJESTAD (AAN): For di pafor caba por mira cu e school ta den un decadencia total. E alumnonan mes, cu ta henter dia den e school sa mas kico ta pasando. Ayera nan buchi a yena y na un forma ordena a tene un accion di protesta.

Cu pancarta den man, e alumnonan di school basico a sali para pafor di school pa demostra loke nan ta pensa di e mal estado di e school. No solamente a ser muestra cu palomanan a bira "doño" di e school, pero tambe a indica cu e bañonan, bukinan, y material di enseñanza a keda den un estado peor cu Iraquinan a laga Kuwait atras.

Commandeur Pieter Boer School ta situa na San Nicolas y ora cana pafor di e cura mes por nota cu e school a keda sin haya mantencion pa hopi tempo caba.

"Bay W.C. di Commandeur Pieter Boer ta un



aventura total" ta loke un pancarta tin skirbi riba dje. "Nos kier buki nobo y henter".

Un pancarta cu e hala atencion ta: "Un futuro briyante pa un y tur, E futuro scur pa Pieter Boer". Un joven cu hopi animo tambe tabata muestra cu su pancarta "Ban wak kico Ministro F. Refunjol tin aden!"

Por bisa cu casi henter e school a participa na e accion di protesta aki, pasobra asina siquiera por

hala atencion di e Ministro concerni pa e check un que otro cu e school aki, pasobra e jovennan aki di San Nicolas tambe ta pertenec na Aruba, y nan tambe ta representa e futuro generacion.

Riba e grafico por mira e alumnonan cu cantidad di pancarta y tambe uno cu ta bisa: "School betekent dat Futuro scur! Wij willen renovatie."

En general por mira cu na Aruba mas y mas por tende di schoolnan cu ta bayendo den decadencia. No ta conoci kico realmente ta kitando atencion

di Gobierno di e seccion di enseñanza. Pero lo ta bon pa mañan mes cuminza check tur school pa mira kico falta pa asina worde drecha.

Recientemente alumnonan di La Salle College tambe a protesta riba mal estado di baraknan unda

ni habri por habri e bentananan pasobra nan a keda "pega" door di tanto stof. E tempo ey un alumno a declara na DIARIO: "Cu e 1.7 millon florin cu Gobierno a gasta pa huur auto di JM Carrental, nan por a drecha tur e schoolnan di Aruba".

WINDOW UNITS "COLD POINT"

220 Volt/ 60 Hz

Economico, Silencioso, Completamente Galvanisa, Garantia Completo.

11.800 BTU Afl. 995,00	13.000 BTU Afl. 1.040,00	14.000 BTU Afl. 1.125,00	18.400 BTU Afl. 1.320,00
19.500 BTU Afl. 1.365,00	21.200 BTU Afl. 1.420,00	23.300 BTU Afl. 1.520,00	27.500 BTU Afl. 1.650,00

No tin mihor! Obtenible for di stock.

KOEL TECHNISCH BEDRIJF ARUBA N.V.

Tanki Leendert 158-G

Tel: 22828 of 38521

PUBLICIDAD ARTE

EUMAR 2

TEL 37448

Situa den Dakota Shopping Paradise
Ta anuncia cu su orario dii trabao ta:
for di 9:00 di mainta pa 5 di atardi di Dialuna
pa Diabierna, Diasabra for di 9:00 pa 1:00 pm